

Broj: RU-182/04
Sarajevo, 2.7.2004.godine

Ministarstvo pravde, rješavajući po zahtjevu Udruženja za afirmaciju univerzalno pozitivnih vrijednosti «PROSVJETITELJ», Srebrenica, ulica Crni Guber broj 50, za upis u Registar udruženja, na osnovu člana 33., a u vezi sa članom 28. st. 1., 2. i 5. Zakona o udruženjima i fondacijama Bosne i Hercegovine («Službeni glasnik BiH», broj 32/01), donosi

R J E Š E N J E
o upisu u Registar udruženja

1. U Registar udruženja kod Ministarstva pravde upisuje se udruženje pod nazivom:
Udruženje za afirmaciju univerzalno pozitivnih vrijednosti «PROSVJETITELJ»
Удружење за афирмацију универзално позитивних вриједности
«ПРОСВЈЕТИТЕЉ»
Udruga za afirmaciju univerzalno pozitivnih vrijednosti «PROSVJETITELJ»

Skraćeni naziv Udruženja je:

Udruženje «PROSVJETITELJ»;
Удружење «ПРОСВЈЕТИТЕЉ»;
Udruga «PROSVJETITELJ».

Sjedište Udruženja je: *Srebrenica, ulica Crni Guber broj 50.*

2. Udruženje je upisano pod registarskim brojem **RU-182/04**, knjiga registra **I**, dana **2.7.2004.godine**.
3. Danom izdavanja ovog rješenja registrovano udruženje ima slobodu djelovanja na cijelom području Bosne i Hercegovine i u obavljanju svoje djelatnosti može upotrebljavati isključivo svoj registrovani naziv.
4. Ciljevi odnosno djelatnosti za koje je udruženje osnovano su:
 - reafirmacija porodice kao temeljne institucije u društvu;
 - razvijanje ideje i afirmacija svih pozitivnih kulturnih, naučnih, intelektualnih, vjerskih i civilizacijskih vrijednosti bosanskohercegovačkih društva u svijetu multietničnosti i demokratskog okruženja;
 - usmjeravanje energije omladine za rad u društveno korisnim aktivnostima (edukacijskim, odgojnim, kulturno-sportskim, humanitarnim, aktivnostima na zaštiti životne sredine, sadržajno korištenje slobodnog vremena, program resocijalizacije prognanih po punktovima i seoskim područjima i sl.);
 - povezivanje sa drugim udruženjima i humanitarnim organizacijama koje vode brigu o mladima, te sličnim organizacijama mladih radi uzajamnog prijateljstva i saradnje mladih sa svih kontinenata;

- osnivanje radionice u okviru udruženja za šivenje, pletenje, vezenje i sl., te prodaja gotovih proizvoda iz te radionice članovima udruženja;
 - organizovanje dječjih i omladinskih klubova namijenjenih članovima udruženja;
 - uspostavljanje saradnje i implementacija zajedničkih programa sa asocijacijama i pojedincima koji su zainteresovani za djelatnost Udruženja;
 - podsticanje i sudjelovanje u stručnom osposobljavanju svojih članova kroz učešće u edukativnim seminarima i savjetovanjima;
 - obavljanje i drugih djelatnosti u skladu sa Statutom Udruženja.
5. Udruženje stiče svojstvo pravnog lica danom upisa u registar ovog ministarstva, a lica ovlaštena za zastupanje udruženja su: Saib Malović, Lukavac, Sižje bb; Nerzudin Hajdarević, Zvornik, Gornja Glumina bb i Nermin Mujkanović, Lukavac, Sižje bb.

O b r a z l o ž e n j e

Udruženje za afirmaciju univerzalno pozitivnih vrijednosti «PROSVJETITELJ» podnijelo je zahtjev za upis u Registar udruženja kod Ministarstva pravde. Uvidom u dostavljenu dokumentaciju: Zajednički sporazum o osnivanju udruženja, Statut udruženja, Odluka o imenovanju članova Upravnog odbora, Odluka o imenovanju lica ovlaštenih za zastupanje udruženja, te drugih potrebnih dokumenata, utvrđena je njena usaglašenost sa Zakonom o udruženjima i fondacijama Bosne i Hercegovine i da su ispunjeni zakonski uslovi za upis u registar, te je na osnovu toga riješeno kao u dispozitivu ovog rješenja.

Pravna pouka: Protiv ovog rješenja može se uložiti žalba Komisiji za žalbe, u roku od 15 dana od dana prijema istog.

Žalba se podnosi putem ovog Ministarstva u tri primjeraka.



MINISTAR
Slobodan Kovač
Slobodan Kovač

Rješenje dostavljeno:

- Udruženju
- Zbirka isprava
- «Službeni glasnik BiH»